



LÁNAMÁL RÍKISINS

Sýnishorn

**SAMNINGUR Í TENGLUM VIÐ ÚTGÁFU
RÍKISVERÐBRÉFA OG
VIÐSKIPTAVAKT Á EFTIRMARKAÐI**

Samningur í tengslum við útgáfu ríkisverðbréfa og viðskiptavakt á eftirmarkaði

Seðlabanki Íslands, kt. 560269-4129 fyrir hönd ríkissjóðs, hér eftir nefndur Seðlabankinn, og [●] hf., kt. [●], hér eftir nefndur aðalmiðlari, gera með sér eftirfarandi samning í tengslum við útgáfu ríkisverðbréfa og viðskiptavakt á eftirmarkaði.

Í samningi þessum merkja ríkisbréf innlendar skuldabréfaútgáfur ríkissjóðs, en ríkisverðbréf merkja í senn innlendar skuldabréfa- og víxlaútgáfur ríkissjóðs.

1. gr.

Umfang og markmið aðalmiðlarasamnings

Markmið samningsins er að viðhalda aðgengi ríkissjóðs að lánsfé og að efla verðmyndun á eftirmarkaði með ríkisverðbréf.

Seðlabankinn skal birta opinberlega lista yfir aðalmiðlara ríkisverðbréfa. Þeir sem undirritað hafa samninginn mega kalla sig aðalmiðlara íslenskra ríkisverðbréfa.

2. gr.

Útboð ríkisverðbréfa og aðgangur aðalmiðlara að þeim

Útboð ríkisverðbréfa verða haldin með reglubundnum hætti og tilkynnt í viðurkenndu upplýsingakerfi a.m.k. einum viðskiptadegi fyrir útboð.

Aðalmiðlari skuldbindur sig til að leggja fram tilboð að lágmarki 100 m.kr. að nafnverði í hverju útboði ríkisverðbréfa. Tilboð skulu vera í samræmi við útboðsskilmála og taka mið af markaðsverði þegar útgefenna flokka ríkisverðbréfa og annarra fjármálaafurða sem talist geta svipaðar á hverjum tíma.

Einungis aðalmiðlarar hafa heimild til þess að leggja fram tilboð í útboðum með ríkisvíxlum og markflokka ríkisbréfa með viðskiptavakt sem falla undir 4. gr.

Eftir að niðurstöður útboðs ríkisbréfa liggja fyrir getur Seðlabankinn boðið hverjum aðalmiðlara til viðbótar allt að 10% af nafnverði þess sem hann keypti í útboðinu á meðalverði samþykktra tilboða. Hver aðalmiðlari sem á samþykkt tilboð í undangengnu útboði öðlast kauprétt í hlutfalli af keyptu magni. Dæmi: Aðalmiðlari kaupir 1 ma.kr. í útboði og á því kauprétt á 100 m.kr. til viðbótar á meðalverði samþykktra tilboða í útboðinu.

Ef aðalmiðlari einhverra hluta vegna sendir ekki inn tilboð í einstöku útboði og tilkynnir ekki um ástæður þess áður en útboðsfrestur rennur út hefur Seðlabankinn heimild til þess að lækka þóknun til hans sbr. 7. gr. um eina milljón króna í hvert sinn sem slíkt gerist.

3. gr.

Viðskiptavakt á eftirmarkaði

Viðskiptakerfi vegna viðskiptavaktar skv. samningi þessum er viðskiptakerfi Kauphallar Íslands hf., kt. 681298-2829 (e. Nasdaq Iceland hf.), eða annað viðskiptakerfi sem ákveðið er að höfðu samráði við aðalmiðlara.

Aðalmiðlarar eru ekki skuldbundnir til að hafa viðskiptavakt á ríkisvíxlum.

Aðalmiðlari skuldbindur sig til þess að setja fram kaup- og sölutilboð í viðskiptakerfið fyrir opnun markaðar í þá flokka ríkisbréfa sem falla undir 4. gr. Lágmarkstilboð skulu vera eins og fram kemur í eftirfarandi töflu:

<i>Flokkur</i>	<i>Lágmarkstilboð að nafnverði, kr.</i>
RIKB 22 1026	100.000.000
RIKB 23 0515	100.000.000
RIKB 24 0415	100.000.000
RIKB 25 0612	100.000.000
RIKB 28 1115	100.000.000
RIKB 31 0124	80.000.000
RIKB 42 0217	100.000.000
RIKS 26 0216	90.000.000
RIKS 30 0701	70.000.000
RIKS 33 0321	70.000.000
RIKS 37 0115	100.000.000

Tilboð skulu vera að lágmarki 100 m.kr. að nafnverði í nýjum markflokkum ríkisbréfa sem kunna að verða gefnir út á samningstímanum.

Aðalmiðlara er skyld að endurnýja tilboð sín í viðskiptakerfinu innan 10 mínútna frá því að þeim hefur verið tekið að hluta eða að fullu.

Hámarksmonur kaup- og sölutilboða aðalmiðlara ákvárdast af verði gildra tilboða. Hámarksmonur kaup- og sölutilboða er ákveðinn eftir lánstíma til gjalddaga á viðskiptadegi og má mest vera:

<i>Lánstími</i>	<i>Hámarksmonur</i>
6 mánuðir til 2 ár	0,15%
2 til 4 ár	0,25%
4 til 6 ár	0,30%
6 til 9 ár	0,50%
9 til 12 ár	0,60%
12 til 18 ár	0,90%
18 ár eða lengra	1,00%

Eftirtalin ríkisbréf falla ekki undir kröfur um hámarksmon kaup- og sölutilboða:

<i>Lánstími</i>	<i>Hámarksmonur</i>
Ríkisbréf til sex mánaða og skemur.	Ekki skilgreindur hámarksmonur. Kauptilboð skal lagt fram

Eigi aðalmiðlari viðskipti á einum viðskiptadegi fyrir 600 m.kr. að nafnvirði í tilteknum flokki (viðskipti tilgreind “AUTO”) er honum heimilt að víkja frá hámarksmon kaup- og sölutilboða sem getið er um í framangreindri töflu í þeim flokki þann dag. Forsenda fyrir því að aðalmiðlari megi víkja frá ofangreindum hámarksmon er að 300 m.kr. viðskipti í viðkomandi flokki eigi sér stað með þeim hætti að gengið hafi verið að framlögðum tilboðum viðkomandi aðalmiðlara.

4. gr.

Markflokkar

Markflokkar sem samningur þessi nær til varðandi viðskiptavakt á eftirmarkaði eru:

Óverðtryggðir flokkar	Verðtryggðir flokkar
RIKB 22 1026	RIKS 26 0216
RIKB 23 0515	RIKS 30 0701
RIKB 24 0415	RIKS 33 0321
RIKB 25 0612	RIKS 37 0115
RIKB 28 1115	
RIKB 31 0124	
RIKB 42 0217	

og aðrir markflokkar ríkisbréfa sem gefnir verða út á samningstímanum.

5. gr.

Takmarkanir á kaupum útgefanda á markflokum

Seðlabankanum f.h. ríkissjóðs er ekki heimilt að ganga á tilboð sem viðskiptavakar leggja fram í viðskiptakerfi með markflokka ríkisverðbréfa sem eiga meira en sex mánuði til gjalddaga.

6. gr.

Samskipti og upplýsingagjöf

Aðalmiðlari skal tilgreina starfsmann sinn sem tengilið við Seðlabankann vegna ákvæða í samningi þessum. Aðalmiðlarar bera ábyrgð á þeim aðilum sem koma fram fyrir hönd aðalmiðlara í samskiptum við Seðlabankann. Seðlabankinn heldur fundi með aðalmiðlurum eftir því sem hann telur þörf á. Óski Seðlabankinn eftir því, skulu aðalmiðlarar veita Seðlabankanum upplýsingar um hverjir eru kaupendur í útboðum ríkisverðbréfa skipt eftir tegundum fjárfesta.

Aðalmiðlari heimilar Seðlabankanum aðgang að upplýsingum um tilboð og viðskipti sín í viðskiptakerfum hvað varðar alla flokka ríkisverðbréfa. Aðalmiðlari heimilar einnig birtingu upplýsinga sem varða markaðshlutdeild hans á frummarkaði.

Aðalmiðlari skal stefna að því að greina markað með ríkisverðbréf og upplýsa Seðlabankann um aðstæður á markaði með ríkisverðbréf, sem og eftir því sem við á að mæla með ráðstöfunum sem ýta undir dýpt markaðarins.

7. gr.

Greiðsla og útreikningur þóknunar

Þóknunin skiptist í eftirfarandi hluta:

- (i) Seðlabankinn greiðir aðalmiðlurum 0,10% þóknun af markaðsverði samþykktra tilboða í útboðum ríkisbréfa með lengri tíma til gjalddaga en 3 ár. Seðlabankinn greiðir 0,04% þóknun af markaðsverði samþykktra tilboða í útboðum ríkisbréfa með gjalddaga eftir 3 ár eða skemur. Á uppgjörsdegi útboðs dregur Seðlabankinn þóknunina frá greiðslu aðalmiðlara vegna kaupa á ríkisbréfum. Engin þóknun verður greidd vegna útboða ríkisvíxla.
- (ii) Seðlabankinn greiðir aðalmiðlara 14. október 2022 og 14. apríl 2023 þóknun sem reiknuð er af markaðshlutdeild hans í viðskiptum allra aðalmiðlara í viðskiptakerfinu (viðskipti tilgreind „AUTO“) með þá flokka sem tilgreindir eru í 4. gr. síðustu sex almanaksmánuði á undan. Við útreikning á þóknun

verður einungis tekið tillit til viðskipta aðalmiðlara þar sem gengið er að tilboðum hans. Ekki verður tekið tillit til viðskipta annarra miðlara hjá viðkomandi fjármálafyrirtæki. Til ráðstöfunar fyrir alla aðalmiðlarana eru samtals 110 m.kr. þann 14. október 2022 og 110 m.kr. þann 14. apríl 2023.

8. gr.

Skuldfærsluheimild af viðskiptareikningum

Aðalmiðlari lýsir því yfir að Seðlabankanum er heimilt að skuldfæra reikning nr. [●] hjá bankanum vegna útboða, endurhverfra viðskipta, verðbréfalána eða öðrum viðskiptum við Seðlabankann og hvers konar uppgjöri viðskipta vegna framangreinds, þ.m.t. öllum kostnaði, í tengslum við viðskipti aðalmiðlara við Seðlabankann. Aðalmiðlari skuldbindur sig til að hafa nægilega ráðstöfunarfjárhæð inni á viðkomandi reikningi.

9. gr.

Alvarleg markaðstruflun

Ef alvarleg markaðstruflun á sér stað getur Seðlabankinn að fengnu samþykki meirihluta aðalmiðlara breytt eða fellt úr gildi tímabundið einstök ákvæði þessa samnings.

10. gr.

Sérstök fyrirgreiðsla til aðalmiðlara

Aðalmiðlarar hafa aðgang að sérstakri fyrirgreiðslu sem Seðlabankinn veitir aðalmiðlum, t.d. í formi endurhverfra viðskipta eða verðbréfalána. Seðlabankinn setur sérstakar reglur um fyrirgreiðslu sem veitt er til aðalmiðlara og aðilar samnings þessa skulu fylgja.

Önnur ákvæði

11. gr.

Seðlabankinn áskilur sér rétt til að gera samhljóða samninga við nýja aðalmiðlara á samningstímanum og myndi slíkur samningur gilda frá undirskrift og ekki vera afturvirkur hvað varðar hlutdeild í þóknunum.

12. gr.

Seðlabankinn áskilur sér rétt til þess að taka upp samninginn á samningstímanum til þess að breyta fyrirkomulagi í tengslum við viðskiptavakt á svokölluðum „on-the-run“ og „off-the-run“ flokkum.

13. gr.

Samningur þessi tekur gildi 1. apríl 2022 og gildir til 31. mars 2023. Hvor samningsaðili um sig getur sagt upp samningnum með 2ja mánaða fyrirvara. Telji annar samningsaðilinn að alvarleg brot hafi verið gerð á samningnum getur hann sagt honum upp án fyrirvara. Með samningi þessum falla úr gildi eldri samningar á milli samningsaðila í tengslum við útgáfu ríkisverðbréfa og viðskiptavakt á eftirmarkaði.

Samningur þessi er samhljóða samningum sem gerðir hafa verið við aðra aðalmiðlara, dagsettir sama dag og samningur þessi.

Samningur þessi er þýddur yfir á ensku en íslenski textinn gildir.

Reykjavík, 18. mars 2022

SEÐLABANKI ÍSLANDS
F.h. ríkissjóðs

[●] HF.